



鄱陽先生詩集卷之七

律詩

夏六月公濟與第六人遊安國竹園某有詩

萬竹紛々光欲流
花亭沉在竹林幽
陰藏絕徑為深谷
風起炎天見早秋
此地遂為千畝勝
我儕非止七賢遊
清涼可愛無朝夕
無問昏鴉歸未休

晚行竹林兄弟相率賦詩二首

甫々秋風吹我衣
留連清勝夜忘歸
眉橫雲外新蟾上

彭

汝礪器資



雪落林梢白鷺飛

碧竹侵雲一萬竿
挾書時此共盤桓
湘沅見說官期逼
預惜朋遊別去難

某在合肥嘗夢同子直在橫川舊遊適中有詩往
還子直見招同用前韻來寄

春風把酒共溪邊
南北紛々遂五年
緣綬終朝寄塵俗
青雲昨夜夢神仙
詩多老格知難總
易外新聞念未傳
髣髴異時佳句在
吾遊不敢負橫川

汴水呈祖道

萬事無庸輕是非
扁舟吾語子同歸
不知心遠征雲遠
安得身先去鳥飛
月入江湖生夜色
風吹花木長春暉
鬢毛每咲多新雪
衣帶頻驚緩舊圍

和祖道見致政王中允題壁

里巷參差一水間
水邊相失復三年
舊題想見風規好
清隱傳聞志尚賢
道路尚能談舊事
林泉寧復掛塵緣
嗟回祿仕予真怯
不獨無君郭外田

江口道中

道路春情柳葉長
川原水涸草花黃
陰晴天氣猶寒食

村郭人家似故鄉地曠馬牛群放牧時平兒女自耕桑
馬蹄即踏江南路村店相看酒一觴

和祖道渡江

歸上慈親酒一觴吾榮不啻插麾幢兩沾馬轡行春野
風滿舟檣泛晚航江路好山隨步履人家流水照軒窗
梅山不怪多詩思鶯語紛紛燕子雙

晚行

逢明騎馬聽鷄號霧露紛紛上鬢毛烟宿平蕪疑遠水
風鳴高木醜飛濤暖回宿草春初見光動扶桑日欲高

橫笛一聲還出牧稚兒無不咲我勞

和致遠登樓有感

昔人已勸莫登樓年少登樓應白頭鴉鵲雪殘水尚泮
蓬萊雲靜月如流燈棚影潤明千里樂部聲長在十洲
萬物莫如公最樂詩情祇應為民憂

致遠詩有
憂民之句

贈陳擴秀才

原憲家無金玉儲生涯惟有一床書衆人清論誰知子
終日高談謝起予叔夜未嘗聞喜愠偉容如不所親疎
丈夫當重功名計天子重閭好曳裾

寄子文友

古人湮沒不能見
交道陵夷真可哀
與子碧江相別後
到今青眼未曾開
幾傷尺素無人寄
猶喜新鴻昨夜來
懷抱相思長悒鬱
燕居還念此心哉

讀張華傳

堂、才業世無隣
坐揖荆吳屬晉民
當日若知誅嬖妾
英魂未必死姦臣
尚能博識周群物
誰使無謀衛一身
典午基圖從此殆
開編令我涕沾巾

春日

青春久雨郊原暗
白日新開錦綉明
冉冉碧絲垂柳樹
勻勻紅粉上花英
人生最貴逢辰樂
暇日終當載酒行
無為草玄成寂寞
便輸風景屬流鶯

和千乘先生詩

蓬華猶淹濟世圖
獨持經術振群愚
困窮自古饒賢者
功業于今屬丈夫
天下久思安石起
時人爭咲孟軻迂
何時幣聘來莘畝
佇聽嘉言上禁途

賦環翠軒池鷓鴣環翠張子直所有也

池軒澄澈岸花薰
吾愛微禽獨此存
野性尚思江海逸

靈心應識稻梁息春風鼓舞波濤綠夜月棲遲藻荇繁
沙鴈溪鳧應羨汝光輝終日望華軒

與程德林

俊骨風標固逸倫况聞材術巧安民尋常恨不親高誼
邂逅相逢即故人議論恥居時俗態咲歌惟取性情真
從今便作忘形契安得相從席上珍

病居寄程德林

槿花時態歎羈貧誰恤天涯臥病身千里有家歸未得
一身無賴恨長新形容憔悴真衰漢意氣蕭條似老人

恨乏酒樽長寂寞獨憑詩句訴酸辛

月下憶伯兄兼寄諸友

炎暑遁逝天已涼陰苦短夜初長風聲日色盡秋意海
角天涯非故鄉鶯谷久離愁滿眼鷓原一別泪沾裳客
情欲借清吟遣詩就客情彌慘傷日

遣婺

浮俗區區走利名吾儒何事亦勞生昔騎馬作衢江計
今買舟為婺女行南北東西無定日艱難險阻亦常情
日多好景誰同詠樽有清醪且自傾

寄桐廬諸友

整頓長羸尚未蘇
信音都尚故人踈
須於犬子常多病
莫咲嵇康懶作書
庠序舊規還在否
道途新况比何如
鱗鴻若到江南地
願寄聲音一起予

寄鄒廣道二首

陋學常嗟趣識迷
羨君先得正塗歸
直從前哲許高下
羞與時人較是非
長憤荆蒿埋杞梓
忽驚沙磧得珠璣
相從未幾又相去
東望門闌心欲飛
夙昔聞君有古風
里閭邂逅一相逢
金蘭密契雖深結

風月高吟未款從
寶玉如能庇嘉穀
微蒿終待倚長松
江頭若有東歸鴈
時寄聲音慰病容

風便示若時叔宜二弟

掛帆瞬息絕遠水
行李逡巡臨故鄉
雨瀾棗棠千葉
雲深鴻鴈一行
清吟未愜溪山勝
熟睡不知岐路長
邂逅此時同此樂
萱堂卮酒意難忘

簡振道判官

涉汴浮淮即渡江
一春飽滿看滄浪
臨溪高柳為誰綠
隔浦幽花還自香
暖日魚兒浮密藻
輕風燕子語危檣

遙知景物煩酬唱到日詩成幾百章

江流

江流繚繞轉天涯萬福風帆去若馳紅日遠山開殿閣
青天高木出旌旗蛟龍迴泊鱗鱗動燕雀飛翻羽翮遑
身世百年長擾擾扁舟多謝捕魚兒

予發南樓餞穎叔遣以使事出行因寄拙句以慰

其心

溪山遠綠如坐想南樓縱目初相別無緣看楊柳
贈行不敢愛瓊瑤浮生稍自嘗艱險遠道非閑畏簡書

雲去已凝千里目鴈來能寄一行欵

送君時東歸夜宿城外并橋上二首

疎々雲月帖雲浮槐葉風聲已轉秋欲寄歸帆終未得
徒分心逐水東流

虹蜺盤泊宿河陰氣勢凌空百幾尋月近渾如天上坐
風來不見世間音我袞祇有臨淵懼爾壯能無題柱心
病眼昏々長似霧不堪頻泪欲分襟

君時與君佐以鄉荐相次登甲科有詩送之邀予

同賦

青衫慙子久蹉跎各喜流年壯未過金玉曾劉初並價
淵源游夏復同科紅塵去馬侵星月綠歸艎觸芰荷
邂逅故鄉秋正好相看憶聽鹿鳴歌

治平赴肥陵幕侍父兄宿大孤山南今復泊于此
扁舟曾宿此江垵當日朱顏尚少年彩筆偶攀天上桂
青衫初泛幕中蓮浮生夢幻今衰矣薄宦風波尚慎旃
記得父兄遊礙處淚添溪水欲無邊

送梁晦之詩并序

治平熙寧中某以職官事張侍讀博學士宋大監于

合肥與程公權嗣隆汪汝道汾俞誠之希旦錢穆父
梁晦之俞君玉瑛刁德華璆為僚倪天隱先生治學
其遊甚樂也而六七年之間學士有母之憂宋致政
張程倪三公亡汝道德華貶官惟誠之穆再出使京
浙君玉領麾在萬里之外晦之得忠州不赴屈臨陝
府米倉某方起外艱調官走京師其形容蒼然已非
昔時人矣見晦之相與道舊與其存沒憂患之際愴
然久之因相語曰人生秉物而遊于天地之間死生
榮辱出處得喪皆非我物也在我為者惟善而已道

不行于天下亦必行于妻子名不得于上亦必知于
下富貴不在其身亦必在其子孫此又不得行亦皆
命也人如彼何哉亦強為善而已矣晦之行趣官因
序所言為別并以詩繼之

行李參差久不齊飄蓬邂逅暫相依趨馳靜咲營生拙
老大今知舊態非車馬一朝君北去江湖何日我南歸
人間物々渾如幻莫為分襟淚輒揮

江口

北風吹蕩酒旗斜渡口寥寥數十家茅屋尺椽貧活計

漁繒一幅舊生涯青雲正著揚柳葉白雪已開蘆葦花
蓬笠烏如慕軒冕牛羊豈遂勝魚蝦

粹老召飲滕王閣遂過徐亭泛舟戲呈粹老

溪山高下綠參差終日清風慰所思何不並携安石妓
却須一過習家池桐絲轉影隨朱檻蓮子吹香入酒卮
晚色江湖秋更好微雲恰值雨來時

遊東湖

草色蕙葭蘆葦中蓮花一片萬枝紅斜陽色始波心日
細雨香吹水面風澤國地開金色界桃源人在水晶宮

扁舟便好如張翰好在溪邊舊釣筒

詩呈李友幾丞因寄正父兄

寂々門無車馬聲故人相過覺情親烏知軒冕金朱貴
不咲蘼藍藜苒貧看月縱吟願閣夜插花沉醉鑑亭春
白頭想嘆童兒事渾屬溪邊自在身

年國子師賜
壯飽藜苒

生日提點少卿公諤惠詩因次元韻

水日金行共一鄉犬人每愛我辰良驛駒未解馳千里
孤矢猶如志四方漫與乾坤同作客咲看兒女已成行

貧家祇以尋常日金玉何為忽在堂

公諤嘗為
予言命

寄雲居覺老大禪師

雲中樓閣綠沉沉杖策城頭望正深山近想瞻獅子坐
風來疑聽海潮音三乘漫說牛羊鹿一路誰分耳內心
祇道不曾還不減元來非古亦非今

和莘老元日二章時改元豐

天以元豐號太平新年風物屯康寧農人待種滂沱雨
太史仍占潤澤星初日浮陽臨夏屋宿霜澄澈照寒廳
玉津淹此地南路還擬同撥柳眼青

時太廟宿齋後三
日宿玉津西園

衣冠接晚賀元正草木欣々草宴寧玉曆已新開歲日
璿璣猶數去年星風流豈遂同烏府香火還來共水廳
漸老莫驚頭欲白公名已久在丹青

楊浩然見寄因次其韵

百年流轉笑浮生憂思隨時苦未寧心瞻愛君長似水
鬢毛如我欲垂星春風半夜燒燈院臘雪窮年祭酒廳
夢寐舊遊如昔日可憐庭栢自青々予與浩然同在學
官上元嘗一至相
固今屈指
五年矣

和大名掾舍弟君時

大名書到惻離憂南北還嗟各宦遊任責踰涯我不樂
食功隨分汝何羞客塵沉々長時味河水渾々一片愁
綵服欲歸今未可遙將心寄日邊州

和葦老城東齋祠二首

鬱々忽々佳氣中晚天春霧濕濛々山川更洗崇朝雨
草木還催二月風樂國地開金色界容臺人在水晶宮
長年飽食知無補尚有私誠祝屢豐

天上春來今幾時園林已自足光輝桃心欲放輕紅出
柳眼初分嫩綠歸解凍暖風吹浩蕩養花新雨落霏微

知君准似多行樂佳句何妨及綉衣

急雨

遠野低岫水連蒼田溪急似雨淋浪靈壇丹、雲烟淨
小徑深、花草香落日客帆千點細秋風漁笛一聲長
詩成未解酬真賞追逐須將夙願償

山堂

江湖曲、抱千峯堂在山光水色中雲薄祇疑蓬島近
湖深遙覺海門通扁舟蓴菜知無限促席榴花定不空
獨倚欄干西北望子年此興亦無窮

望雲臺

欲望都門春正深高臺孤絕更登臨空雲靄、生歸思
鳴鴈雖、多好音華蓋熒煌天半際瀛洲縹渺海中心
江天抱病頻搔首自咲紛、霜已侵

鬱孤臺

江城塵土日喧、中有蒼然一點山日暖蜃樓浮海上
花深蓬島在人間晴雲鶴、千峯遠碧瓦鱗、萬屋環
却望鍾陵何處所客心先與水東還

離灝上

昨夜水深三尺來，忽、相送若相催。
大聲振地潛魚躍，白浪粘天高岸催。
宿雨未收雲靄、春鷗無數雪皚、
問奴厨中有酒否，為我臨溪開一杯。

送正夫之鄆

清河如練月如霜，六月舟行亦自涼。
驄馬何為輕去國，錦衣不害數還鄉。
高材落、邦之傑，令聞洋溢、民所望。
城上望公、更遠人間今日、何長。

答趙正夫

風波久與故人違，臨水登山百爾思。
世事易令人苟簡，

年華稍恨我衰遲。尚遷喬木出幽谷，忍舍靈龜觀朶頤。
魚鴈不應嫌寂寞，時將一字寄天涯。

以去年詩再答正夫

不願與公終日遠，別離草、不勝思。
老便靜處溪山好，懶見閑中日月遲。
論易朱雲折其角，說詩匡鼎解人頤。
歲云暮矣來何晚，倚杖相望一水涯。

飲君宜弟所寄緇衣酒，繼得書，因成小詩奉寄

少時離別似尋常，老大別離多感傷。
飲酒看雲心散漫，開書對雨淚淋漓。
浪隸崇密織花成錦，鴻鴈斜書字作行。

未到與人看富貴會須同汝老耕桑

寄君時學正弟

亦與兒童酌酒醪焚香頌祝不勝勞
命如千載松難老
德比九疑山更高頂上少時多
鶴髮眉間近日有霜毫
江湖復見年時鴈倚杖孤城首重搔

和寄佛印

神仙苒苒在蓬壺更得詩來懶索居
天上樓臺開佛國
日邊香火讀天書
籃輿獨往公今爾
蠟屐他時我亦如
彼是此非無足問
悠悠同是一空虛

敏叔家會仙洞

大松十里建旌麾
曉日朝霞五色衣
幽谷靜聞猿一嘯
白雲時見鶴雙飛
花開洞府春長在人會
瀛洲夜未歸
家近武陵歸未得
詩成更憶故山薇

荅周考功惠絲粽心席玉面界枋

老年離別欲心折不似舊時年少時
人世忍忙疑是夢
鬢毛感慨欲成絲
剛巖碧玉方無玷
潤澤黃絲席有儀
觀物似公長在眼
祝公千歲比靈龜

和通判章承議二首

決勝從容搏俎間一軍爭死不知還
拔旗往蹈烏丸壘
杖筥橫封函谷關
畫像麒麟天上閣
銘功鷄鹿雪中山
我榮不與諸公比
歸見慈親一解顏

廬山舟浙兩岐間
四月軍行八月還
三石窺道奧

鼠偷無敢近
禪關雲迷漢水滄浪水
雨濕蒲山岌業山
曷日與君同
此樂清言猶可耐
泉顏

苔毛提舉惠新酒
鷄頭依韵奉寄
幸一咲

齊鵠順風飛上天空籠
遠至扣猶全
正仲寄酒鷄頭至南陽其既歸襄陽

但有書滑思琬
珀千鍾滿
軟憶珠璣
一樣圓
舉白醉攻

愁自破
硫黃煖與病相便
南歸幾夢涼
堂會只尺書來

更愴然
南人謂鷄頭為水硫黃

和張侍讀遊蜀山

日光拂々已破郊野色
依々猶帶秋風捲
旌旗出城曲
雲迎步履過林幽
欲攀懸崖訪猿鶴
更逐去鳥窮淵丘
脫洒塵埃坐清曠
靜窺萬物都蟉蚪

送熊次道因寄了元

去入紅蓮幕來儀振鷺亭
文詞元澤潤才力更精靈
頌作晚成器擬看新發硎
綵衣長暇日多聚讀書螢若見

焦山老相煩為寄教別來頭上雪添得一千莖

寄周朝議至樂堂二首

賞花載酒百花洲
看雪開筵白雪樓
不盡山川長在目
忘機鷗鳥自隨舟
當時一咲有餘味
今日相思翻百憂
聞說作堂名至樂
幾時還得與公遊
世味中人醉不醒
公歸正似解人醒
歸雲意思閒方見
瘦鶴精神老更清
但與先民時擊壤
可須秦女會吹笙
淵明已有歸來賦
桀溺應容作耦耕

和鄧廣漢見寄

征旆飛 度夕陽
画枕隱 焰溪光
白雲點綴千峯綠
青女催殘萬葉黃
林外小花留蛺蝶
岸邊深藻宿鴛鴦
滄浪可愛須沉醉
詩老無疑緩報章

濟叔潤之兄弟見送出小渡

欲置窮通作水漚
共君歌舞醉新秋
詩辭可愛題黃葉
別意難忘寄綠洲
雨過微風催棹去
棹夜涼明月歸滿舟
又隨天外一飛鷗
可羨波前隻白鷗

晚晴

萬里無雲雨意醒
江湖滿載夕陽明
老翁暮釣扁舟去

稚子歸樵一笛橫溪月悠々含夜意林風細々作秋聲
詩竟散落無羈束試效樊川賦晚晴

山遊

試拂塵衣訪遠蹤詩竟獨與賞心同低々弱柳啼秋雨
細々寒蛩嘯晚風岩石溪流相綠草野花楓葉一般紅
玉琴寫盡逍遙意疑到蓬瀛島嶼中

過嶺上

山幽漸失塵埃路勢險方知造物功崑崙飛光動天上
樵斤遺響落雲中烟迷曲島千峯細日轉環區萬里空

安得謫仙來並此醉浮風馭過蟾宮

將之豫章以詩先寄文淵秘校

已傳靈耗煩晨鵲更作新詩寄塞鴻千里薄寒沾暮雨
百壺清咲望秋風仙人樓閣重湖外帝子亭臺翠靄中
謝石未忘丘壑意待携歌妓醉山東

刑部丈寄酒因成短詩以謝

玉壺寄酒來山島蓬髮持杯學八仙詩句剪裁揮翰墨
賞心飛舞到林前秋風會圃尋霜實明月歸舟載錦鮮
甘倚白雲窮一醉為公吟盡洞中天

徐中文赴新建以詩寄之

童稚歡呼喜欲顛
蕩舟爭楫縣公賢
荆萐自覺風霜逼
花木須驚雨露偏
天下事煩宜振領
古人材銳戒窺淵
君心舊得中和說
定與龔黃議後先

新建宰徐仲文尉寧文淵出城見餞

詩句飛華焰彩牋
酒花浮綠動金船
眼看立態嗟無益
心到天真喜自然
盛德優容聞邵父
清才脫洒愛梅仙
却嗟風雨催行色
不得相從醉洞天

別子直

高秋惜別苦匆匆
不得清吟日
同步履忽迎春
色合肺腸甘遂酒樽空
一舟喜遂征帆北
千里愁分去鷁東
恰似江神惜離袂
夜來故作打頭風

次韻周戶曹水軒

新闢顏牆得小軒
未成詩思已相關
一窻嫩綠分肥水
千里澄輝接蜀山
近岸兩收風滿徑
暮天雲靜月當顏
參軍莫作塵埃嘆
今有幽虛伴若閑

寄明甫約出餞城西既以病告遂已

結束行裝赴早秋
愛吟文論重遲留
樽空北海虛前約

病告東陽益別愁
征旆幾時歸
偃月客心一夜夢
藏舟塵埃日
無窮盡能免
幽人咲我不

和戶曹池亭韻

水光苒苒上朱欄
六月軒楹起薄寒
誰約醉翁同酒艇
欲尋溪叟問漁竿
風飄翠艾清如洗
雨裊蒼苔綠未乾
見說諸公遊興愜
夢竟終夕為盤桓

和史司理水軒

收拾塵虛過短牆
軒楹從此有輝光
草侵兩岸春應好
水接雙溪晚日涼
詩念松陵頻縱筆
會思河朔重飛觴

漁舟占盡江湖樂
應咲我儕簿領忙

次周戶曹見寄

車馬歎危冒險艱
煙塵衰颯病容顏
遊心自惜相逢晚
歸興能忘一咲閑
野色無涯秋苒苒
溪聲不息夜潺潺
而今幕府文書少
須約詩筒重往還

長宿值風

江上避風苦流滯
林邊步竹強逢留
山迎草色渾青黛
浪逐鷗群盡白頭
垂柳絲絲縈渚岸
落花片片逐溪流
興來却喜閭閻少
隻眼無塵事
幽

西口值風

遂處烟嵐照水村
誰家草色接衡門
山藏曲圃非塵路
花滿幽蹊似故園
海燕關風輕咲語
林鶯雨巧飛翻天
時似有清明意
自作新歌憫旅魂帶

和廣漢旅中韻

再：征衣冒晚霜
客心衰寂髮毛蒼
故人行行李來江外
遊子飄蓬念異鄉
言失筌蹄知意得
醉遺簪紱覺形忘
青衫四十猶羈旅
嘆息泥沙困乘黃
席上分題得長字

肥上相逢各異鄉
咲歌猶得憫參商
人心未盡文章樂
馬首還趨道路長
鶴髮久埋宗廟器
荷衣行覲赭袍光
功名自有天時在
更盡林邊酒一觴

得趙吏部所附第二書

日月不停如轉車
匆匆還見歲其除
已行沙漠數千里
絲得京華第二書
一讀令人喜不寐
萬金于我實何如
遙知日月從三友
弟勸兄酬樂只且

與磁倅郭公域

熙寧天子作文功
棟點官師在學宮
壁水三年嗟我拙

蘭英一咲與君同熙寧中予作太學直講公青衫昔日

俱強壯白髮今時已老翁邂逅欲言渾不及別離三四

嘆西風

元日

玉律陰陽會璿璣日月新熙寧萬歲曆元祐八千春卦

象已乘泰斗杓方建寅白頭諳守歲紅燭最知春栢酒

人懷遠錫盤客荐新老來長道路慚愧百年身

荅相洲司諫同年

白簡風敲雨雪霜幾回趨走並鵷行清名久自還我黨

治譽今尤懌所望時成之安懌慈親行小徑光輝綵服

侍華堂我今不復有此樂一讀君詩三斷腸成之詩云

侍堂

有懷

長年日戲老萊衣不忍此身終日遠今日馬頭燕北去

不堪頓望白雲飛白雲汝飛去何許悠々會到江南路

翔風吹浪洒大河直與波瀾競東注

望雲嶺飲酒

班荆解馬面遙岑北勸南酬喜倍尋天色與人相似好

人情似酒一般深接伴待制舉酒之豚魚尚可及人信
胡越何難推以心立望堯雲搔短髮不堪霜雪苦相侵

北使還代書寄穎叔

南行湖海北幽州不見故人今幾秋萬事塵沙渾是夢
百年露電只如流欲觀王儉紅蓮幕更上度公明月樓
舊說枵腹多少義由來祇在一毫頭

尚德

萬里沙陀險且遙雪霜塵土共蕭條草萊長大牛羊衆
窟穴深阻豺虎驕往日御夷誰似宋今時尚德莫如堯

試看虞舜崑廊上何羨呼韓渭水朝

南歸

忽、燈火着征衫客勸賓酬酒既酣老馬經時俱首北
大鵬今日會圖南擬尋樂事羞華髮有問生涯指舊庵
貪惜上恩歸未得素餐自愧百無堪

大小沙陀

大小沙陀深沒膝車不留蹤馬無跡沙陀沙深處車曲

折多途胡亦惑自上高岡認南北大風吹沙成瓦礫頭
面瘡殘手皴折下帶長蔽溪驛層冰峩、霜雪白狼

頽鳥行愁覆溺沿河踏水上一日不能行一驛吾聞治
生莫如嗇每日為常

鄱陽先生詩集卷之七

鄱陽先生詩集卷之八

律詩

彭汝礪器資

廣平句謂虜地險至此廣大而平易云初至單于
行在其門以蘆箔為藩垣上不去其花以為飾
其上謂之羊箔門作山棚以木為牌左曰紫府
洞右曰桃源洞總謂之蓬萊宮殿曰省方殿其
左紫袍金冠而立者數百人問之多酋豪其右
青紫而立者數十人山棚之前作花檻有桃李

楊柳之數前謂丹墀自丹墀十步謂之龍墀殿
皆談青花壇其堦高二三尺濶三尋縱殺其半
由堦而登謂之御座

四更起趨廣平朝上下沙陀道路遙洞入桃源花點注
門橫葦箔草蕭條時平主客文何縵地大君臣氣已驕
莫善我皇能尚德將軍不用霍嫫媼

諸君約歸日

黃金束帶錦貂裘白髮追隨每自羞已見水嘶流碧水
遙知春色滿皇州紅開金谷樓前而綠暗玉津池上頭

衰病到家應稍健為公須醉百金甌

歸期

歸期元約是花時曲指花時定可歸日暖歸雲迎馬首
天寒飄雪點人衣老胡淚落不忍別野鶴性靈相近飛
到得歸時春更晚故園桃李正芳菲

沙陀逢正旦使副

踏雪予今濟土何驅車今始入沙陀異鄉邂逅不可得
別酒留連能幾何縹緲飛鴻無限意凋零白草不勝歌
仲玉子聞使虜小到家正是花時節酒飲休辭杯數多
詞有飛鴻白草

送都陽太守三首

青春一日錦衣還，酒上親圍喜動顏。
靜視浮名雖羽翼，回瞻明德已丘山。
身留桑梓孤衷結，目斷旌麾一淚潛。
初筮心憂民事拙，願書餘訓起踈頑。
朝星一夜渡寒江，千里瞻依重慨慷。
荆土定能碑岬首，石南安敢廢甘棠。
遺恩未散波濤潤，令德長餘錦綉香。
吟盡肺腸還自惜，江湖不似去思長。
天明下詔寂寥濱，師帥高材得獻臣。
事出中和民自懌，令捐苛細物長春。
紅裙涕泣瞻征旆，白首歡呼滯去輪。

簪紱相先問行色，幾時携節渡江瀕。

和程秀才望五老峯

憶步靈芝望翠巒，扁舟今入望中山。
沾濡曉霧仙衣濕，點綴春苔鶴髮斑。
幽谷靜開寒市落，重崖晴見暮雲還。
世途已為聲榮困，誰伴蒼顏老此間。

和謁孝肅祠堂

聲容不見，靈祠眷惜徘徊重。
嘆咨樵牧萬家歌，舊澤簪紳百拜望。
英姿深畜遂失高，霖遠清論空隨海月垂。
欲拾緒言嗟未得，風流喜讀大夫碑。

和李飲于于越亭

溪流可到非千里客夢相望欲十年勝槩昔聞遺老說
樂遊今見令君賢月移波影歸珠箔風轉灘聲落綺筵
安得浩歌尋澗曲獨飛綸釣醉霜天

次皇甫登興化水亭韻

簿領終朝困蒸暑危亭一息得微涼草迷幽徑回環綠
花落滄波在處香永夜鶴聲雙渡月清秋松色自凌霜
平生愛樂澄虛地一夢逢留夜未忘

同遊獨山

路蹊曲，上喬岑風物疎，接遠林携妓笑無安石樂
愛山喜似晉公心步尋翠石傷金玉行接幽岩望傅霖
別去幾時重會此欲君無避酒船深

獨山亭子山之心萬竹相圍盡翠陰古剎地幽紅日永
懸崖人靜碧雲深輕風細，無朝夕勁節依，自古今
吏役幾嗟詩筆廢興來不惜為君吟
城樓日，望霄垠車馬今來訪舊開寒石萬尋圍翠竹
危峯一點綴青雲洒然自有林泉樂去矣我非鳥獸群
安得画工圖絕致盡收蒼翠寄諸君

相期一罇樂共宿獨山青塵土不能污夢竟還自醒夕
陽登絕逕明月步危亭為我題僧壁炎天此日經

謝公權賜蜀牋

君得奇牋自蜀溪緘封密；寄幽棲香銷翠玉花枝軟
影落青雲鳳翼低書橐一朝豐綺綉詩心半夜振虹霓
報之重愧無瓊玖強拾芻言細；題

次韵荅劉行甫同年

江外書來墨未乾咲言可惜礙雲山字無塵蹟精神健
詩有天材態閑皓月分明生海上仙韶容易落人間

夜深一夢無拘束飛渡重湖曉未還

和張侍讀摠翠亭

城隅東北起危亭臥棟飛簷控地形萬井不藏平野綠
一湖練見遠山青春歸會圃低華屋兩歇寒蕪露翠屏
日暮登臨望樓闕誤隨飛鳥下南溟

和館閣諸公遊池韵

達士超然獨若遺賦詩行酒似兒嬉一杯相屬非人力
四者難并異昔時高柳去隨波闌綠啼鶯未與燕為期
春晴豈但群公樂萬物紛；摠自私

和致遠學士遊池二首

堤外澆瀾浸彩霓花間宮殿出高枝
風高天矯鳳飛去
雨止蜿蜒龍到垂
早晚烟霞相間雜
浮沉魚鳥並游嬉
文王臺治群賢至
不比山陰被禊時

岸：垂楊障綠陰時
好鳥囀清音
昭回河漢波瀾濶
方丈蓬萊雨露深
到處香烟濃作霧
誰家珠翠密成林
爭標想見千人唱
聲入青雲畫鼓深

送程給事并次中丞雜端韻

公去江淮今幾年
公守楚反鍾
陵皆有遺愛誰謠
今日尚紛然
恩榮

復擁千兵出課最應當一路仙
詩字細題幽寺竹
酒卮深沉碧池蓮
風流會續蘭亭盛
幕府能無竇鞏賢

持正率和中丞諸公喜雨詩用前韻

滂沱自足慰民憂
更洗甌閩四五州
閩南劍等處多盜
杜工部詩云安得
鞭雷公滂風入遠林
驚海圻水吞平陸
看川流禾麻蕪

蕪私時澤魚鳥欣
：愜所求涼簟能眠
吾亦樂靜窺槐
葉擬開秋

次中丞韻

人家碧瓦照朱丹
縹緲煙濤密
瑣闥一水北
隣千里海

萬峯南揖四明山，鳥啼浮水塵埃外。
人在青雲道路間，只恐公歸難久駐。
匆匆便捧詔書還。

次雜端韻

畫舫參差看欲飛，紛々車馬駭塵泥。
右軍筆墨空蘭渚，安道風流訪剡溪。
白首得時歸莫遠，丹心懷國去猶稽。
月明會醉蓬萊閣，應咲雲霄自有梯。

持正率和諧太一宮詩

上方憂樂共元々，祠宇知非泥。
故言真空轉，臨雙闕近清壇。
園拱五神尊，光輝散燭光。
華旦動植歸，藏厚載坤

旗出荆藩成震疊，馬來龍種瑞便蕃。
溶々遠水浮仙島

苒々晴霞近紫垣，畫像百靈朝闕宇。
制名千福徧重門

宮四壁皆有鬼神，上制門名皆以承神之休，既為義壺中日永春長在洞口雲深

晝亦昏，但祝君王千萬歲，人心無以報隆恩。

問龔深之疾往復三首

未識先生病所因，調聊想亦費精神。
無人可問維摩疾，願我徒知管仲貧。
未肯一經終皓首，不應千里漫思尊。

藤床卧對爐烟細，想岸淵明漉酒巾。

居士如泡如焰身，目前應接亦非神。
校辭自己知我拙

飽學誰能咲子貧
午飯昂來同繪鯉
朝齏漫說欲羨尊
黃昏急雨秋風濕
想見青燈一幅巾

丈室寬閑獨病身
一絰反覆足怡神
漫從方外論空色
咲與人間共賤貧
菊有細花浮楚醴
魚無圓鯽煮吳蓴
初涼願與獸飲
預判荒月滿中

和上官彥衡齋祠二首

廊陛紛々响珮環
半天星月曉班々
誤瞻宮闕星辰上
疑聽金絲闕里間
萬國祭祠嚴穀旦
百年文物盛賢關
奉常固不煩為最
太史徒知詠仰山
監禮士在秦為奉
常御史亦古史官

自春為風
憲之任

五更欲踏月明還
去意遲留馬亦班
棟宇參差天左界
延旒隱約殿中間
簡編雅有多聞富
杖履清無一事閑
俗狀情知煩愛惜
更容棲息道家山
祝畢諸公見
苗數刻乃歸

出城呈君王都官

天寒雨氣滿林幽
道上風塵擁布裘
萬室未堪今日弊
一官敢念此生浮
平常數拙公家事
夙夜分聊縣尹憂
見說至尊方旰食
吾儕何術補涓流

舟中暮雨

騎馬昔由建春去泛舟今日美豐歸水中仙子紅蓮出
物外幽人白鷺飛風起白蘋寒苒、兩生幽谷細霏、
吏情轉覺塵埃醜嘆息滄浪屬釣磯

春雨

三月江淮物正新等閒風雨挫芳春狂飄柳色低垂地
暗損花枝自惱人壟畝千家知有望江湖萬喜通津
鵲原莫放韶華去共約新晴醉綠茵

漁艇寄蓮花

馬飛池曲冒塵埃眼看蓮花葉、開行李偶隨孤艇出

好風飄寄一枝來雨中秀色供吟眼風外香清入酒杯
半夜夢魂生枕簟神仙無語下陽臺

驟雨

乍喜物情爭發育無端驟雨欲殘春閨閣已負遊芳意
歎畝猶滋望歲人厚澤顯、蘇呂縈微波泛、漲江津
城頭便好狂吟去草木青紅襯錦茵

感懷

浪計尋思直迺歸大疎不與世情宜吟成白雪無人問
歌盡清風只自知是否不能尋物議窮通渾欲付天時

軻雍已矣我誰遣猶有塵編舊訓辭

次張德甫朔雪韻

德甫家在東湖上

朔風吹雪落天涯醉立西樓四望賒
糞壤不知淫潤澤蒿萊無復見纖瑕
半宵庭檻光爭曉窮臘園林物自花
誰借一舟湖北岸月明東訪戴生家

梅

春入園林總不知
牆頭初見一梅枝
朔風不挫寒冰骨
夜月偏饒玉白姿
密意忍容鶯蝶污
英心長與雪霜期
人情願得和羹實
無縱羌童抱笛吹

睡覺

漏急難留一夢清
燈寒相伴寸心明
暖薰綉被春風信
寒戰莎堦夜雨聲
盡曉絲篁來竹幘
何時錦繡滿花城
病夫不稱詩魔後
愁見吟魂續續生

送太守舒郎中赴闕三首

英謀一發破昏冥
道路嗚呼側耳聽
千里嘯歌趨雨露
百胥姦猾避雷霆
閭闔有讓風暖
囹圄無塵草目青
朝罷雍容問民瘼
願言康樂上宸庭
陋跡逕迴寂寞濱
欲聞高詛嘆無津
聲華未及膺門客

揖讓猶皆蜀守民
白日忽收千里詔
清風長泱萬家春
窮途傾睠陶鈞力
吟盡肝腸一慘神
解郡西南促去程
扁舟西下照江明
旌麾益近青雲路
劍佩行朝白玉京
勢位久淹猶郡國
光華北去即公鄉
山林顛醜功名起
野拙猶能頌治聲

過陶太尉廟

劉石紛紛已擾戈
盡心收得晉山河
巍々功業能如此
藉々浮言意若何
風雨舊祠藏名壁
丹青遺像落江波
黃昏欲作溪頭釣
願丐當時壁上梭

伯兄歸自桐江未至因有作示諸弟

遙思徒馭去江干
道路誰何共險艱
長使庭闈終日望
不知馬車幾時還
佇期咲樂同塵席
應有文章慰病顏
酒甌羊腔為收拾
筮言當見立談間

將歸寄潤之弟

紛々窮緒不能禁
一縷俄驚百萬尋
風月正牽相望眼
山川難繫欲歸心
蕭條又作新秋意
牢落誰同永夜吟
車馬鼎來吾即起
夢魂先傍竹亭陰

奉別張伯逢先生

強鞭駕蹇逐塵蹤百駕方成跬步功
天地有心成草木
蚊蠅無力負衡嵩
紛然又見瓜期及
晚矣猶思易道東
一寸古心長自歎
依々餘恨滿西風

斷編

斷編塵簡即吾師
萬里徘徊得路遲
覽照忽驚顏色古
臨空嘆息羽毛衰
迺愚未盡田瞿學
庸賤空收鮑叔知
安有微波增海曲
願因窮臘看松枝

高議

高議軒昂破麗淫
清風遺散落襟倚
山漸識浮雲意

臨水方思太古音
無狀欲隨仁義老
未完猶怯是非侵
西歸益念津塗惑
願丐中庸鏤腹心

牢落

牢落歸來水一隅
臥思天闕自煩紆
只知今夕又明日
不覺少年成壯夫
禍去不虞堪太息
勢臨無備獨長吁
憂時未有如君老
願聽丹囊上禁塗

王太博自浮梁移蒙州作詩送之

平時沉伏草萊間
見說昌治政賢愛
決羽毛人自畏
君浮梁有水鷗雙
棲縣廷之南
詩成金玉俗爭傳
一麾出守今行矣
萬

室傾思正慘然祇恐又庸明詔去蒙山無計重留連

江

送周掾赴闕

白駒一擲起塵埃紫鳳高騫出草萊盛德日隨流水遠
清聲時逐好風來百年正屬文明際萬事猶需幹濟才
薦牘幾多聞九極寵章何日下三台

寄伯兄兼問子文二首

富貴浪圖難泊；詩書餘力尚桓桓聖門一室相從易
世路多岐欲合難儀鳳穩依深閣宿老蛟寒即碧溪蟠
青雲有侶歌魚藻空谷無朋唱考槃緣木退藏冲漢翼

扁舟歸整釣鰲竿臨願聽王陽仕洗手思彈貢禹冠
壯志當年欲請纓孤蹤今日尚飄萍塵埃易染羈容黑
氣義難邀俗眼青馮客劍寒長自擊伯牙絃古歎誰聽
風雲勇膽馳燕塞社稷丹心望漢庭思入鶴原愁四散
夢馳鶯谷涕雙零客悰願托詩情見吟盡清宵卒未醒

送子文赴闕

槿花時態甘相失金玉交情喜獨親慷慨有心擇虎穴
逶迤無計附龍鱗君方奮翼青冥上我即潛舟寂寞濱
從事功名有餘力勉為書寄考槃人

寄潤之弟兼附呈伯兄三首

一棹孤舟接杳冥無聊長恨別離輕
利名汨亂人意南北悠分我情
風觸鶴鷓寒影散日蒙棠棣綠陰成
莫令澤國頻回首時倩江鱗寄一聲

江外如今獨轉逢思君不敢望飛鴻
寸心引逐征雲几孤夢爭先葉落東
臥病此時千里隔微吟何日一樽同
却嗟逐客為羈客還見春風換朔風
風規落落已非俗氣字堂知有才安
得驂駒歸道路不甘梗棹滯蒿萊
青陽路迳新萌柳白雪林亭欲放梅

願逐羽翰故國相從歌酒趁春來歸

東流道遇伯兄西歸寄二篇

君樓京國我天涯病眼相望淚滿衣
邂逅得為千里會愴惶不及一言歸
窮通固屬時之遇取舍猶慚議者非
未得寵光榮里落久行猶足憫庭闈

久雨泥途惡春風草木花相逢一咲
樂欲去百咎嗟何日定行後此時應
到家平居傾望意汗漫正無涯

喜文淵登第回寄二篇

春風吹詔落天涯喜聽君榮反盛時
桂藉功名知自取

雲臺事業舊相期
騏驎有力爭千里
燕雀無才寄一枝
十雅果能先越石
蘓秦應欲憤張儀

十年共力詩書學
萬里相期將相科
白屋自知難歎抑
青衫聊得慰蹉跎
寵榮未有如君早
衰病爭如吾困何
燈下無人知此意
獨鳴寒劍一悲歌

喜擇之子文至桐江次伯兄韻

病夫憔悴淞江邊
誰惻窮途舊橐單
尺素不聞傾塞鴈
扁舟未至望沙灘
羈栖久客情無賴
邂逅相逢意倍歡
幽夜冥々思取火
與君同取白榆鑽

聞庭佐不安因馳歸

山居傾睇舊朋儔
日落原頭望不收
奴僕忽來傳汝病
信音不寄使人愁
羈懷綷々無窮盡
歸意飛々可滯留
一舍道塗千里遠
那堪風雨重衣裘

自東流歸

久鬱圭逢困不勝
狂遊天地眼雙明
行逢梅浦不能去
步接松林無限清
風雨寂寥知物意
山川崎曲見人情
愁悰觸物紛無寄
喜聽村壚賣酒聲

東流道中作

輕快飛輿出古城
蟠迤行徑轉沙汀
鷓鴣映日露繖趨
鴻鵠開風開雪翎
水瘦不藏寒石綠
雲歸總見遠山青
苦憐野色溪光好
倍覺詩毫酒魄醒

喜徐景宗秀才至

久客羈栖已無賴
故人邂逅一相逢
紅泥綠酒方沉醉
白雪清吟未款從
昏翳忽收塵耳目
歡欣爭入病顏容
秋風且醉江山碧
莫蹤離愁到客踪

元祐三年同深之學士子開侍郎在初考今復承
乏有懷舊遊因作此詩并幕次唱酬二章寄呈

深之學士子開侍郎

集英今日事全似
戊辰春文彩窺多士
遊從憶故人抗
旌猶海角深之奉使
時在兩浙艤棹即河濟子開被召帥
高陽來矣試作詩

相寄詩成更損神

數燭知歸日戲云幾燭知歸日矣思家似老人忠
公詩云人老思此几三鎖宿某自元祐初迄今復一
家甚少年此几三鎖宿九三為殿試官
經自猛著碁銷日深
甕酒送春蕭條
雙短髮半夜忽如

銀

和致遠學士韻

落筆千人畏揮談一坐傾竹林冬更好星斗夜深明愛
古情何遠憂時氣未平老人無見解祇願酒頻行

十四弟得書承已次東流赴省試因寄小詩呈推
官承務弟

恰見蜘蛛喜便知鴻鴈來大波窺洶湧遙岫見崔嵬懷

土欲心折拆書先眼開繫舟龍化處亭子舊名雷東流

有雷
亭

雲蓋老僧八十二

邂逅還相慰懃復自陳三千大千界八十二年人衲衣

雲水舊頭鬢雪霜新手種庭前栢如今大似身見

雲居相送至下杉庄

莫宿昏初黑晨裝曉已分鷄啼江上月犬吠嶺邊雲好

去龐居士善來洪上人臨行須一勸曠後幾時春洪侍
行

昨日陪深之學士飯淨因登羅漢閣期致遠不至

憶山陰弟各賦一詩遂寄二君

丹鳳禁城近青鴛寶閣開九天瞻佛日萬國在春臺東
觀人何處山陰弟未來飛雲能自在相望興悠哉

宿金鈞

絕域三千里窮村五七家雲深無去鴈日暮有棲鴉
霧擁雲垂野霜連月在沙夜長無復寐寂寞聽寒笳

惠州三首

城壘四五尺閭閻千百家朝塵疑作雨暮雪欲飛花
舊寺僧何在空堂見自邪三更愁不寐相咲是皇華

霧暗三千疊水寒一水涯風高天作雪日晚露迷沙
居士身如夢行人驛似家青燈無意緒點點自成花

絕域冬猶暖孤村日易斜浮雲點晴漢幽鳥篆平沙
白

草單于壘青燈渤海家夜蟾無定處流轉共天涯
途中見接伴曰三得家書因作是詩寄修

誰似老胡喜一朝三得書去家長念汝觸事獨愁予
水凍魚全少天寒鴈更疎三冬多壅熱安否此何如

長垣路中二首

欲作圖南翼却乘之北轅百年隨所值萬事擬無言
短髮霜如白孤心葉似丹夜深何許夢雙闕九重闈
身似水中木險夷惟所遭不堪誇拙速可復嘆賢勞
而脚三冬少塵頭一丈高故鄉何處是南望首重搔

送熊次道

去入紅蓮幕來儀振鷺庭文辭元潤澤才力更精靈
須作晚成器擬看新發硎彩衣長暇日多聚讀書螢
天保弟被荐繼得子因寄是詩

鴈足書何速燈花喜更頻桂攀天上近珠入掌中新
驥種仍多子龍標又得人賀觴俱現在留待禁城春

和瑛師

澤國春初好江城兩易昏繫舟林下寺步屨水邊村
法悅長如此詩情剝欲論歸心師莫問一旆心翻

和通判承議

水邊人不到我與子同行始見遊魚樂時聞幽鳥聲
山如仁者靜風似聖之清擬買扁舟去江湖老此生

南安道中

南安窮且僻况復阻凶飢破屋人何在空山鳥自歸
兒童多素歸婦女祇青衣好雨兆豐歲斯民其庶幾

癸未偕子中都官文淵部推遊東湖分題和子中

湖字韻

泛泛林邊晚扁舟憶五湖丹青難作賦水墨好為圖
龍

始傍東園移初從北苑移本根元自好造化捉無私紫
筭時名誤烏程舊種界酪奴我不問酒聖爾何為

病中

富貴來何晚窮愁固有餘病多皇甫謐貧甚馬相如思
亂詩竟散憂深酒興踈此心無可奈徒爾重欵歔

病起

失意憂多病予今喜少痊寢只今泰矣容質尚蒼然鬱
壹丹心塞紛紜萬慮闡此情無可奈整頓賴詩篇

醉極有感

飲極人之樂余心反自傷氣因人憤激情與酒飛颺淚
落侵雙鬢愁多鬱寸腸空羸山簡醉不似樂天狂

小徑

南北通官道東西隘亂山無時輪迹道經兩蘇痕班世
路同歌側人心共險艱亟由平易去寧苦險巖間

日暮

人去紅塵息林幽晚意清秋陽紅旆亂夕靄翠紳橫新
月淡無色微風寒有聲此吟猶未竟城更已嚴更

嘆交

見曹不可近况復與之親
薤露不終刻松風知幾春
嘖嘖徒滿日切切竟何人
誦罷鶯鳴詠空餘涕滿巾

陳秀才擴因旬休不至以詩呼之

寂々碧窻下業同詩酒歡
睽違終一日恨悵已千端
無忽離群異須矜會友難
相望心展轉行矣莫盤桓

題揚州因大師小池

聞寂黃金宇清冷碧玉池
軒楹收冷淡松竹讓幽竒
岸感源流淺山陰月到逢
未能活魚鱉安可臥蛟螭

題表州紫翠軒

黯淡襟橫野迢迢面古城
丹青難盡意紫翠漫為名
山石開新雨溪楓照晚晴
杖藜饒縱目談笑不無情

寄庭佐弟二首

願我今黃髮嗟君亦白頭
讀書少不競從士老堪羞
陋巷曷其樂首陽何所求
一廬知好在聊欲與君謀
幸免奕魚腹更難騎虎頭
少狂真忍恥老退似包羞
蓬蒿徑非遠桑麻田可求
浮生一箭速火急為兄謀

江上

柳翠蘆花碧楓殷蓼更紅
金波連夕照玉浪起秋風
霄

漢雙飛鳥波瀾一釣蓬江湖如許景摠合付詩翁

伏承寵示滕王閣佳句因用元韵

滕王帝子閣徐儒聘君亭南浦水秋漲東湖雲畫冥江
山雲更碧松檜雪逾青安得泛舟去與君同醉醒

送和仲

心因行已老事更與心違惡景多離合浮生半是非愁

聞南浦鴈夢采此山薇昨日見之子問予何不歸

示庭佐弟

世味祇如此消憂奚所悞心煩多惡酒眼病頓捐書倦

侍筇拄竹寒園木火爐公寧機械廢我拙咲公愚

夜坐謹成小詩呈晦堂心考

修煉清徹骨幹旋幽入神寸絲縛九虎一指掛三釣犬

室夜忽旦寒崖冬自春師乎何所命學佛亦非人

和題真相院

山色隨行止溪聲滿見聞燈花秋寂淡香火夜氤氳野
色迷脩竹厨烟長白雲大夫材力健故寵寺僧勤

道中時有山水之遇因用林字韵

我今倦塵土邂逅得幽林雲外于山色溪邊萬竹陰還

增俗吏態稍快野夫心世事非樽酒天寒不自禁

和題淨慈寺

已失禪關迨空巖古殿尊佛香塵草莽僧飯飽魚豚萬
竹藏秋色豐碑落燒痕廢具俱物誰似語公孫鑑

寄公權

靈源起幽谷蕭洒與秋宜世事有窮處泉聲無靜時流

沾一山足澤入萬田滋只恐明朝別清風到夢思

欲雨

車馬冒蒸暑道途傷久晴雲生蜀山靜風度遠秋清白

蟻紛：聞鳩鳴在，鳴微陰知雨意失意問農耕

薄荷

神農取辛苦病客愛清新寂淡花無色虛涼藥有神煩
心浸水雪眩目失埃塵自是芝蘭臭非同草木春



